



Headlines

1. मुखमंत्री उमर अब्दुल्ला होंरें जम्मू-कश्मीर च कारोबारी नियमें गी सखल्ला बनाने लेई अनुपालन कटौती 2.0 दी समीक्षा कीती।
2. जम्मू-कश्मीर दे 17 मेदवारें यू.पी.एस.सी सिविल सेवा परीक्षा 2025 पास कीती। उपराज्यपाल ते मुखमंत्री होंरें पास होए दे मेदवारें गी मुबारकबाद दिती ऐ।
3. यात्रिणं दी सहूलत बधाने लेई कटड़ा रेलवे स्टेशन पर एस्केलेटर दा उद्घाटन कीता गेआ। जम्मू राजधानी एक्सप्रेस च अजज इक बाद्दू एस.सी कोच त्यौहारें दी भीड़ गी घट्ट करने लेई लाया गेआ ऐ।
4. खेड मंत्री सतीश शर्मा होंरें वाई.एस.एस-जे.के.एस.सी क्रिकेट लीग दा उद्घाटन कीता। युवा प्रतिभाएं गी अग्गे औने ते खेड्डें च उत्कृष्टता हासल करने लेई आखेआ।
5. बी.आर.ओ नै आखेआ ऐ जे पैहली बारी जोजिला पास फरवरी दे बाद बी खुल्ले दा रेआ, जेदे कन्नै कश्मीर घाटी ते लद्दाख बश्कार हर मौसम च संपर्क कायम रेई सकेआ। मौसम विभाग नै औंदे दिनें च जम्मू-कश्मीर च मौसम च बदलाव दी पेशनगोई कीती ऐ।



CM-Business

मुखमंत्री उमर अब्दुल्ला होंरें कल इक उच्च स्तरीय बैठक दी अध्यक्षता कीती जेहदे च अनुपालन च कमी ते नियमनमुक्त-दो दी समीक्षा कीती गई। एह इक राष्ट्रव्यापक पैहलकदमी ऐ जेहदा मकसद नियामक भारें गी घट्ट करना ते पूरे जम्मू-कश्मीर च होर मते कारोबार अनुकूल, नागरिक केंद्रित म्हौल गी बढ़ावा देना ऐ। एह कार्यक्रम सेहत सरबन्धी शिक्षा, सैलसफा ते उद्योग सने 23 नमें प्राथमिकता आहले क्षेत्रें च सुधारें दा विस्तार करदा ऐ। मुखमंत्री होंरें कम्मकाज दी प्रक्रियाएं गी सौक्खा करने, गैर जरूरी मंजूरिणं गी घट्ट करने ते हर सुधार लेई योग्य समें-सीमा तय करने पर जोर दिता। एह पैहलकदमी कारोबारी मंजूरियें गी तेज करने, डिजिटल शासन गी मजबूत करने ते निवेशकें लेई फायदें गी यकीनी बनाने दी कोशश करदी ऐ।



UPSC Results

जम्मू-कश्मीर दे 17एं मेदवारें प्रतिष्ठित सिविल सेवा परीक्षा-2025 लेई क्वालीफाई करी लैता ऐ जेहदे नतीजे शुक्रवारें संघ लोक सेवा आयोग आसेआ घोशित कीते गे न। इन्दे च सुवन शर्मा नै 148मीं रैंकिंग हासल करियै केंद्र शासित प्रदेश थमां सभनें शा उच्ची थाह हासल कीती ऐ ते एहदे मगरा सुगंधा गुप्ता नै 207मीं ते पुलवामा दे तौसीफ अहमद गनी गी 254मीं रैंकिंग हासल होई ऐ। रितिका भान नै 456मीं रैंक हासल कीती ऐ। कुल मलाइयै जम्मू-कश्मीर थमां 17 मेदवारें खीरी सूचि च थाह बनाई ऐ, जेहदे कन्नै इस खेतर दा मान बधेआ ऐ ते केई होर युवा मेदवारें गी प्रेरणा बी थहोई ऐ। उपराज्यपाल मनोज सिन्हा ते मुखमंत्रि उमर अब्दुल्ला होरें कामयाब मेदवारें गी मुबारकबाद दिती ऐ। उनें आखेआ जे इस उपलब्धि कन्नै केंद्र शासित प्रदेश दा मान बधेया ऐ ते एहदे कन्नै मते शा मते नौजवानें गी सार्वजनिक सेवा च अपना करियर बनाने लेई प्रेरणा थहोग। तोआई, इक कामयाब मेदवार तौसीफ अहमद गनी दे पिता होरें अपने पुत्र दी कामयाबी पर खुशी जाहिर करदे होई आखेआ

<><><><><><>

Railways Escalator

जम्मू संभाग च यात्री स्हूलतें गी मजबूत करने दी दिशा च इक महत्वपूर्ण गें पुट्टदे होई जम्मू दे डिवीजनल रेल मैनेजर (DRM) विवेक कुमार होरें श्री माता वैष्णो देवी कटरा रेलवे स्टेशन पर प्लेटफार्म-2 ते 3 दे बश्कार नमें बनाए गेदे एस्केलेटर दा उद्घाटन कीता, जेहदे कन्नै श्री माता वैष्णो देवी श्राइन पर औने आहले ज्हारां यात्रिएं ते श्रद्धालुएं खास करियै बुजुर्गे, महिलाएं ते दिव्यांगें गी फायदा पुज्जने दी मेद ऐ। मीडिया कर्मिएं कन्नै गल्लबात करदे होई डी.आर.एम. विवेक कुमार होरें

उनें इब्बी जानकारी दिती जे वंदे भारत एक्सप्रेस सेवा गी जम्मू तगर बधाने दा कम्म तकरीबन पूरा होई गेदा ऐ ते खीरी मंजूरी दे मगरा तौले गै एह रेलगड्डी शुरू होई जाग। उनें आखेआ...। (बाइट)

<><><><><><>

Railway Extra Coach

उत्तर रेलवे दे जम्मू डिविजन आसेआ अज्ज जम्मू राजधानी एक्सप्रेस रेलगड्डी नम्बर 12426 च बाद्दू थर्ड एसी कोच लाया जा'रदा ऐ तांजे त्यौहारें दौरान रश गी घट्ट कीता जाई सकै ते यात्रिएं गी सहूलत होई सकै। एह कोच अज्ज दे अलावा 14 मार्च गी बी लाई जाग। एहदे कन्ने बाद्दू 72 सीटां हासिल होडन- जेदे कन्ने यात्रिए दे रश कन्ने निबडने च मदद थहोग ते यात्रिएं दी वेटिंग लिस्ट बी धट्ट होग। सिनियर डिविजनल कमर्शियल मैनेजर उचित सिंघल होरें आखेआ ऐ जे एह गेंs यात्रिएं दी सहूलत प्रति रेलवे दी बचनबद्धता गी जाहिर करदी ऐ। यात्रिएं गी आखेआ गेआ ऐ जे ओह सीट दी

उपलब्धता आधिकारिक ववैबसाइटें पर दिक्खी लैन या फही ओह रेलवे दे नम्बर 139 पर बी सम्पर्क करी सकदे न।

<><><><><><>

Satish Cricket League

खेड्ढ मंत्री सतीश शर्मा होरें कल जम्मू दे एम.ए स्टेडियम च वाई.एस.एस-जे.के.एस.सी क्रिकेट लीग दा उद्घाटन कीता जेहदे च 18 टीमां अपने मैच खेड्डन। इनें सारे मैचें दा यू-ट्यूब पर लाइव स्ट्रीमिंग कीती जाहग। मंत्री होरें इस मौके पर ट्रॉफी दा अनावरण कीता ते कन्नै गै खडारियें गी जर्सी बी बंडियां। उनें जम्मू-कश्मीर दी क्रिकेट भीम दी रंजी ट्रॉफी जित दी बी तरीफ कीती। इस मौके पर बोलदे होई उनें आखेआ जे एह लीग युवा प्रतिभाएं गी अग्गे औने ते खेड्डें च बेहतरिन प्रदर्शन करने लेई इक मंच उपलब्ध करोआंदी ऐ। उनें आखेआ

इस लीग च हिस्सा लैने आहले इक खडारी नै अपना उत्साह जाहर करदे होई आखेआ

<><><><><><>

CS Mission Yuva

मुख सचिव अटल डुल्लू होरें युवाएं दे उद्यमिता च मदद ते रोजगार पैदा करने आहले कार्यक्रमें दे पूरे जम्मू-कश्मीर च मिशन युवा दी जिलावार प्रगति दी समीक्षा कीती। इस दरान संस्कृति, पूंजी, क्षमता ते संपर्क दे तैहत परियोजनाएं दा आंकलन कीता गेआ जेहदे च उद्यम जागृति 4.0, देआर, कारोबार ते मार्गदर्शन समर्थन शामिल हे। मुख सचिव होरें डिप्टी कमिशनरें गी आखेआ जे ओह लघु कारोबार विकास इकाइयें ते कारोबारी हेल्पडेस्क गी पूरी चाल्ली कम्म करने आहला बनान ते मकामी कारोबारियें गी डिजिटल प्लेटफार्म्स दा इस्तेमाल करने लेई प्रोत्साहित करन। उनें बैंकें गी बी आखेआ जे ओह लक्ष्यें गी पूरा करने लेई लोन दे वितरण च तेजी आहनन।

<><><><><><>

Srinagar-Poice Advisory

श्रीनगर पुलिस नै इक एडवाइजरी जारी कीती ऐ जेहदे च उनें मीडिया, सोशल मीडिया, यूजरें ते लोकें गी स्हेई ते जिम्मेदार तरीके कन्नै ऑनलाइन जानकारी सांझा करने लेई आखेआ ऐ। उनें आखेआ जे सारे जने झूठी खबरें, अफवाहें गी सांझा करने थमां बचन ते स्हेई स्रोतें राएं खबरें दी पुष्टि करन। पुलिस नै आखेआ ऐ जे गलत ते झूठी खबरें कन्नै म्हौल खराब ते शांति प्रभावित होई सकदी ऐ। उनें एह बी आखेआ जे उल्लघन करने आहलें दे खलाफ सख्त कार्रवाई कीती जाहग।



Zojila Pass

पैहली बारी लद्दाख गी कश्मीर घाटी कन्नै जोड़ने आहली जीवन रेखा, जोजिला पास 28 फरवरी दे बाद बी मती बर्फबारी दे बावजूद खुल्ला रेआ। 11 ज्हार 500 फुट शा मता उप्पर बने दा एह पास लोकें लेई ते फौजी रसद लेई मता जरूरी ऐ। बी.आर.ओ यानि सीमा सड़क संगठन नै आखेआ ऐ जे एह मील दा पत्थर हर मौसम च संपर्क गी बनाई रखने लेई उंदी प्रतिबद्धता गी दर्शादा ऐ।



Weather

मौसम मैहकमे नै अज्जै थमां पूरे केंद्र शासित प्रदेश च मौसम दी स्थिति च बदलाव दी पेशनगोई कीती ऐ। अज्जै थमां 7 ते 10 मार्च तगर बदल छाए दे रौहने ते बक्ख-बक्ख उच्ची धारें पर हल्की बरखा ते बर्फबारी दी मेद दस्सी दी ऐ।

